



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thronus Dei Maria Deipara

Spinelli, Pietro Antonio

Coloniæ Agrippinæ, 1696

Deipara est Mater Iustorum, n. 7

[urn:nbn:de:hbz:466:1-46853](https://nbn-resolving.org/urn:nbn:de:hbz:466:1-46853)

Deipara mater Satorum etiam veteris testamenti. Sap. 6.

exponit: Quam, Alberrus ait, non solum spiritaliter genuisse omnes Sanctos etiam veteris testamenti, quippe qui per fidem verbi incarnandi de Virgine Maria explicitam, vel implicitam gratiam acciperunt, sed etiam curam gerere maternam omnium, cui proportionem suam aptari potest illud, quod de Sapientia dicitur: Ipsi cura est de omnibus. hæc ex Alberto.

DEIPARA EST MATER IUSTORVM.

B. Virgo mater Iustorum. Origenes.

7 QVAPROPTER Patres eam matrem Iustorum agnoscunt, & prædicant. Origenes tom. 1. in Ioannem in ipsa præfatione docet: Maria filium esse Dominum Iesum Christum, & præterea omnem eum, qui est perfecte Christianus: qui enim huiusmodi est, non amplius vivit ipse sed in ipso vivit Christus, & deo de eo dici potest Maria, Esce filius tuus Christus. hæc ex Origine.

Hieron.

Hieronymus epist. 25. ad Paulum de obitu Beatrix filie eius, introducit ipsam post mortem ad matrem sic loquentem: Putas me esse solam? habeo pro te Mariam matrem Domini: quasi dicat, ipsa Deipara in cælis loco tui pro matre mihi est, ut potius mihi gratulari, quam de obitu meo lugere debeas.

August.

Augustinus libro de sancta virginitate c. 6. agens de B. Virgine: Illa, inquit, una femina spiritu plane mater est membrorum Salvatoris, quod nos sumus; quia cooperata est charitate, ut fideles in Ecclesia nascerentur, qui illius capitis membra sunt; corpore mater est ipsius capitis. hæc ex Augustino. Idem etiam sermone 18. de Sanctis & Hedefonius serm. 8. de Assumpt. & Sophronius inter opera Hieronymi sermone de Assumptione: Matrem gentium eam vocant. Damascenus orat. 2. de dorm. Virg. refert verba Virginis ex hac vita migrantis ad Christum, in quibus, ubi animam suam illi commendasset, commendans etiam fideles, vocat suos filios in hunc modum: Tu, inquit,

Hedefon. Sophron.

charissimis filiis meis, quos tu fratres appellandos duxisti, peregrinationis meae solatium esto per matris meæ impositionem, benedictionem sororum novis benedictionibus cumula, postea sub-

Damasc.

latis (ut verisimile est) manibus ijs omnibus, qui tunc collecti erant bene precata est. hæc Damascenus.

Pet. Chryf.

Petrus Chrysologus sermo, 146. docens MATRIS nomen sanctissimæ Virginis pecu-

liaritertribuendum esse, ad nomen eius, quod est MARIA, & ad congregationes aquarum, quæ Genes. 1. vocantur Maria alludens; eam in mari rubro præfiguratum, atque matrem populi per aquam regenerati fuisse egregie explicat: Maria, inquit, Mater vocatur, & quando non MARIA mater? Congregationes, inquit, aquarum appellavit Maria, nonne hæc exiit eum populum de Aegypto concepti uno viro, ut emergeret cælestis in novam creaturam renata progenies? iuxta illud Apostoli, Patres nostri omnes sub nube fuerunt, & omnes mare transierunt, & omnes in Moyse baptizati sunt in nube, & in mari, & ut semper Maria humana præstitit salutis, populum, quem unda generatrix emisit in lucem, ipsa iure præcessit, in Cantico: Maria, inquit, soror Moysi sumens tympanum in manu sua dixit: Cantemus Domino, glorioso enim honorificatus est. hucusque Chrysologus, cuius ratiocinatio non minus pia, quam elegans; non enim sola vocis similitudine, quam habent maria cum Maria beatissima nititur, sed in etymologia etiam ipsius nominis Mariæ, quæ ut cap. 5. dicebamus mare amatum sonat, quare in mari rubro merito præfiguratum dicit Chrysologus.

8 Præterea sancti Patres per Virginem omnia reperata, ipsam quoque peculiari quadam ratione salutis nostræ cooperatam affirmant, de quo cap. 17. egimus, ideoque iure optimo mater nostra dici potest. Hinc est, quod Anselmus de excellent. Virg. cap. 11. Sic, inquit, Deus sua potentia parando cuncta Pater est, & Deus omnium: ita beata Dei genitrix Maria suis meritis cuncta reparando mater est, & Dominæ rerum. S. Ephrem serm. de laudib. Virg. inter aliâs Deiparæ salutationes, etiam hanc ponit; Ave omnium Patris. S. Bonaventura in speculo B. Virginis cap. 8. Maria, inquit, non solum est mater Christi singularis, sed etiam mater omnium fidelium uniuersalis; unde B. Ambrosius ait, Si Christus est credentium frater, cur non ipsa, qua genuit Christum credentium sit mater? Ita charissimi omnes nunc gaudeamus, nunc omnes gaudentes dicamus, Benedicimus frater, per quem Maria est nostra mater, & benedicimus mater, per quam Christus est noster frater. Hinc bene Anselmus ait, Dominæ mater per quæ talem fratrem habemus, quid gratiarum, quid laudis tibi retribuemus. hæc tenus Bonaventura, qui etiam in vita S. Francisci cap. 9. narrat S. Franciscum indicibili amore erga matrem Domi-

Genes. 1.

Exid. 14.

1 Cor. 10.

Exid. 15.

B. Virgo

nostra so-

luti coope-

rata est.

Anselm.

S. Ephrem

Bonavent

Ambrosi.

Anselm.

Bonavent

Bonavent

Bonavent

Bonavent

Bonavent

Domini fuisse affectum, inter alia hoc etiam nomine: *Eo quod*, inquit, *Domini materis fratrem nobis effecerit*. Idem in hymno: *Te matrem Dei*, &c. *Te mater omnium beatorum, gaudium plenum post Deum, omnium supernorum civium solacium*. Rupertus Tuitiensis lib. 13. in Ioannem, B. Virginem plane omnium nostrum Matrem dicit, quia salutis omnium nostrum causato; & tunc sine dolore peperit, quando scilicet Christus genuit: & tempore passionis Domini cum magno dolore parturiebat, quod iuxta crucem stabat. Dionysius Carthusianus in Cantica art. 27. *Sicut*, inquit, *Christus est Deus noster, & misericordia nostra, sic Virgo est Mater, & Domina nostra misericordia sanctorum*. S. Bernardinus Senensis tom. 3. serm. 6. art. 2. cap. 2. *Virgo*, inquit, *per hunc consensum in incarnationem filij omnium electorum salutem viscerosissime expetit, & procuravit, & omnium salutem & salutationem per hunc consensum singularissime deducit, ita ut ex iunc omnes in suis visceribus baularat tanquam verissima mater filios suos*. & serm. 11. art. 2. cap. 1. *Voae*, inquit, *ab ipso Patre aeterno B. Virgo recepit formalem fecunditatem ad generandos omnes electos, & etiam ipsos Angelos in aliquo gradu, & gradu, & experientia diuinorum*, & cap. 3. *Tota Trinitas hanc inestimabilem Virginem ostendit esse electorum omnium genetricem piam inexcogabilem pietatis*. S. Antoninus 4. part. tit. 15, cap. 2. ubi dixisset Christum in cruce Ioanni matrem suam virginem dedisse in matrem. *Quia vero*, inquit, *Ioannes interpretatur, in quo est gratia, cuiuslibet etiam qui Ioannes dicitur, & existit, in quo scilicet est gratia gratiam faciens, dicitur Virgo Maria in matrem; & citat Anselmum dicentem: Mater Dei facta est mater nostra; quod etiam probat: Sicut enim inquit, Christus nos genuit verbo veritatis ad esse gratia spiritualis in cruce partiendo, ita & B. Virgo Maria nos genuit, & peperit in maximis doloribus filio compensando peccata immensus pro nobis patienti. ita exponit Albricus Magnus illud isa. vlt. Parturivit Sion filios suos, id est, B. Virgo, quae speculabatur mysterium passionis (Sion enim speculatio interpretatur) parturivit summam condolendam in passione filij. haec S. Antonin. Idem c. 14 §. 3. explicat quomodo sanctissima Virgo mater dicatur non solum hominum, sed etiam Angelorum: *Quoniam*, inquit, *quicquid est causa causa, causa etiam censetur causari, sed Angeli illum nationem, perfectionem, & beatificationem recipiunt à Iesu, per**

quam omnia restaurantur in caelo, & in terra, ergo Maria, qua mater est Iesu, causa est aliquo modo gloria Angelorum, ut aperit dicatur mater eorum. haec S. Antoninus, eadem quoque habet cap. 20 §. 11.

10 S. Brigitta in suis Reuelationibus lib. 4. S. Brigitta cap. 138. à B. Virgine haec sibi vigilanti in oratione dicta refert: *Ego sum*, inquit, *Mater Sancti in Dei, quia sic placuit sibi. Ego etiam sum Mater Caelo gaudium omnium, qui sunt in superiori gaudio, quamuis de Infantibus habeant suam necessitatem secundum Virginis suam voluntatem, tamen in augmentum sua laetitia cumulat eum gaudium, ex eo quod vident faciem matris sua blandam. Sic placet Deo dare omnibus in caelesti Curia gaudium, & exultationem de mea virginitatis puritate, & meorum virtutum pulchritudine, quamuis habeant in comprehensibiliter ex eiusdem diuinitatis potentia B. Virgo totum bonum. Sum etiam Mater omnium, qui mater est sunt in purgatorio, quia omnes poena, qua debentur purgandis pro peccatis suis, in qualibet hora propter preces meas quodammodo mitigantur: ita placet Deo, ut aliqua ex his poenis, qua debentur eis de rigore diuina iustitia, minuatur: Ergo sum Mater totius iustitia, qua est in mundo, quam iustitiam filius meus dilexit ad electionem perfectissimam, & sic maternam manus semper parata est ad opponendum se periculo, in cordis filij sui defensionem, si aliquis niteretur in susceptionem, ita ego sum parata iugiter iustos, qui sunt in mundo, defendere, & de omni spirituali periculo liberare. Ego etiam quasi sum Mater omnium peccatorum se volentium emendare, & habentium voluntatem in Deum amplius non peccare, & sum voluntaria ipsum peccatorem in meam defensionem accipere, sicut charitativa mater dum videret filium nudum ab inimicis acutos gladios habentibus, sibi occurrentem, nonne tunc ipsa opponeret se periculo viriliter, ut filium suum de manibus inimicorum suorum liberaret, & eriperet, & in sinu suo gaudenter conseruaret. Ita facio, & faciam ego omnibus peccatoribus misericordiam meam à filio meo petentibus sub mera contritione, & diuina dilectione. haec tenus ex Reuelationibus S. Brigittae.*

Ex dictis satis probatum remanet primum, quod tractandum fuit, sanctissimam Deiparam iustorum omnium Matrem esse, atque à sanctis Patribus tanquam matrem agnoscere: nunc quibus de capitibus hoc illi tribuatur demonstrandum

erit.

Yy

VIR-